



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Le Theatre Dv Monde, Representant Par Vn ample
discours les miseres humaines**

Boaistuau, Pierre

Cologne ; [Genf], 1619

Av Seignevr De Lavnay Valet de chambre du Roy. Elegie.

[urn:nbn:de:hbz:466:1-52003](https://nbn-resolving.org/urn:nbn:de:hbz:466:1-52003)

AV SEIGNEUR
DE LAVNAY VALET
de chambre du Roy.

ELEGIE.

DE Lavnay quand ie voy, & quand ie
considere
Pensant & repensant ce que ta docte
main

Doctement nous escrit en ce Theatre humain,
le pleure avecques toy nostre humaine misere:
Et moy mesme ie dy: Selon Dieu qu'est ce que l'hom-
mel

O que sa vie est brefuel il est comblé de dueil,
Voire dès le berceau iusqu'au sombre cercueil,
Tel nous fut le malheur de la fatale pomme.
Toujours sous le hazard nostre vie est en crainte,
En traissant apres soy la mort qui pres la suit:
Et cependant le temps legerement s'enfuit,
Et puis voici le iour qu'elle doit estre esteinte.

Ainsi voila comment la vie coule & passe,
Et pour nostre peché (qui est nommé si grand)
Enuers le Createur incessamment nous rend

* I Con-

Confus. pour ce qu'il est tousiours deuant sa face.
Quand ie voy d'autre part la dignité, l'essence,
De l'homme pour lequel le Createur a fait
Ce monde merueilleux diuinement parfait
En luy baillant de tout la superintendance:

Le dy, l'homme est heureux s'il se sçait bien co-
gnoistre

Et plus heureux encor, s'il sçait, qu'en ce bas lieu
Il est nay seulement pour adorer son Dieu,
Son pere & createur son seigneur & son maistre.

Bien que premierement à quatre pieds chemine
Muy comme la brute, encor plus imparfait
Tantost il se renforce, & deuiet tout parfait,
Prenant l'accroissement d'une vigueur diuine,
Et bien qu'il considere estre nay sans defenſe,
Homme fragile, & nud: il sçait qu'il est muni
D'autre condition, & que Dieu l'a garni
Outre les animaux du don de sapience.

L'homme a la sapience & l'ame raisonnable
Pour congnoistre son Dieu, pour sçauoir diuiser
Et le bien & le mal, le bien pour en vser,
Le mal, pour l'euiter comme chose damnable,

De regarder en bas la brute est costumiere:
Mais le regard de l'homme au ciel est arresté
Pour regarder le lieu de l'immortalité,
Dont Celeste il a prins son essence premiere,
L'homme donques paruiet par vertu & science
A l'immortalité, qui est souuerain bien,
S'il mesprise sa vie, & s'il se congnoist bien,

N'ayant

N'ayant que de iustice & de Dieu congnoissance.
Qui congnoist la Iustice, & Dieu, & sa parole
reiectant tout cela qui est de l'homme vain,
Il iouë bien son rolle en ce Theatre humain,
Duquel, mon de Launay tu es le protocole.
Vueille le tout puissant nous donner assurance
Telle, que toy & moy puissions si bien iouer,
Qu'avec les bienheureux il nous daigne auouer,
Et nous mettre à sa dextre, où gist vostre esperance.

